



ROMANI

Komunisko horttibi  
hunjuvena saarenge,  
niina sakko kentoske.

Kenti aahhena teelal 18 berehheskiire.

# Pinsavehako tu kentengo horttibi?



LAPSiasiavaltuutettu  
KENTENGO SAAKENGO TRAADIBOSKIRO



## So YK:sko kentosko horttibongo sömsiba starkavela?

YK hin tšerdas sömsiba kentosko komunisko horttibonna bereh 1989. Aro Finitiko them saarengö sömsiba aulo aro džoor bereh 1991. Neer saare bolibosko themme aahhena skokka aro sömsiba. Finnosko them mote lel omsorga dotta, at sömsibosko saaki tšatšuvena aro kentengo dživiba. Finnosko them mote del džaaniba kentosko horttibonna bare komujenge ta kentenge. Them mote del raportos YK:ske plosko dotta, sar kentosko horttibi ta tsihko aahhiba hin džeene naal aro Finnosko them.

Kentengo saakengö traadiboskiiro veeravela ta dela naal kentosko horttibongo tšatšiba aro Finnosko them. Parlamentos hin stelladas kentengo saakengö traadiboskiiresko ofisia bereh 2005.

### Kentengo saakengö traadiboskiiro...

- džeenjavela kentengo džintako rikkibonna ta rakkavela doolenna bare komujenge.
- džeenjavela, sar kenti džiivena ta sar lengo horttibi tšatšuvena.
- dela džaaniba kentenge ta bare komujenge kentengo komunisko horttibonna.
- angouvela ūougaajen, at kentengo saaki aahhénas fendide.
- tšeerela tšetano butti kentengo saakengö buttijako tšeeriboskiirensa.

”Kentos mote barjuvel aro huupa aro bahtalibosko, kamlibosko ta hajibosko arriba.”

YK:sko kentosko horttibongo sömsiba



### Saare kenti aahhena veerakiire

Kentosko elle lesko phurnidengo oldra, sippoko förja, tšimb, iegiba, passiba, fiela elle dukiba na angouvela aro kentosko horttibi. Tšek na lena froo dikken elle kvinnaven.

### Kentos hin horttiba te lel tsihko dživiba

Kentos lela aahhél lesko iego pes. Bare komujen mote džoravel kentengo barjiba ta naal džaabben aro freidiba ta pengo iego tiijaha.

### Bare komujen mote džeenjaven, so kenti tenkavena saakenna

Bare komujen mote pužhen ta ūunnen kentosko džintako rikkibi ta len doola horttas. Kentenge mote den vojuvitikiba te angouvena aro pengo sakko diivesko dživiba.

### Kentosko naaluno mote tšuuven vaagos, ka phutravena kentengo saakenna

Phurniden ta tšenstako iegiboskiiren mote alti te tenkaven, sar lengo phutribi angouvena kenten. Bare komujen mote rooden phutribi, so aahhena kentengo koni fendifideske. Kentenge mote džeenjaven phutribi jakkes, at joon hajuvema doolen.

## Aro YK:sko kentosko horttibongo botnosko sömsiba hin tšetanes 54 punti. Daala aahħena saaki, sosta themmesko ta thaanengo ħougaajen ta saare bare komujen mote rikkaven omsorga.



1. Sakko komunis teelal 18 bereħħi hin kentos.
2. Komunisko horttibi ħunjuvena sakko kentoske it veerakiires. Kentos na lena te froo dikken tsi saakako ħaal.
3. Bare komuja tšeerena buut phutribi, so tħaljavena kentengo dživiba. Leen mote alti džejenjaven, so hin koni fendide kentoske.
4. Themmes mote rikkavel omsorga dotta, at dauva sömsiba tħatħuvela aro kentengo dživiba. Kentenge ħunjuvena saare horttibi so hin ranle aro dauva sömsiba.
5. Phurniden hin horttiba ta uuħħliba te sikjaven ta styraven kentos te rikkavel horttibi so hin ranle aro dauva sömsiba. Themmes mote den patti dauva phurnidengo horttiboske.
6. Kentos hin horttiba aro dživiba. Themmes mote te den lau dotta, te kenti lena barjuven ta džan naal aro jakkes tħiġka aahħibi sar vojuvitiko.

7. Kentos hin horttiba te lel nau ħuort lesko föddibosko paalal. Kentos hin horttiba te lel tšeeresko them ta te aahħel doolesko themmeskiiro. Om vojuvitiko, kentos hin horttiba te pinsavel pesko phurnide ta te aahħel aro lengo faaliba.
8. Kentos hin horttiba te rikkavel pesko nau ta themmeskiiriba ta bandriba naartensa, ta dola na lela tħalavel bilaagakiires.
9. Kentos hin horttiba te džiivel pesko phurnidensa, om joon vojuvena te rikkaven omsorga kentosta. Kentos hin horttiba te rikkavel phallo bandribosta phurnidensa, om kentos na džiivila pesko phurnidensa. Bandribosko phallo rikkiba vojuvena te niekaven, om bandribosko phallo rikkiba skaadavela kentos.
10. Paargong kentos ta lesko phurnide vojuvena te nouruven aro froo themme. Taala themmes mote frestavel te aanel leen paalal vaurengu neer horttas hast.
11. Themmes mote te stannavel douva, at bare komuja rigavena kenti bilovakiires themmesta aro vauro.
12. Kentos hin horttiba te phennel pesko džintako rikkiba saakenna, so tħalavena les kokares. Bare komujen mote džejenjaven kentengo džintako rikkiba sigide sar joon tšeerena phutribi, so tħalavena kentos. Kentengo džintako rikkiba mote len apre aro phutribi lesko oldrako ta naal

džaabenesko ħleetibosko paalal. Bare komujen mote te džejenjaven pengo phutribi kentoske jakkes at jou hajuvela doola.


13. Kentos hin horttiba te phennel phirimes pesko džintako rikkiba ta te rakkavel vaurenge pesko džintako rikkibonna. Džintako rikkibonna na lela endo te tħingravel vaure komujen.
14. Kentos hin horttiba aro tenkibosko, iego pinsibosko ta passibosko phiriba. Mote den patti phurnidengo dijjimen sikjiboske aro douva.



15. Kentos hin horttiba te vel lendake aro tšetibi ta te tšeerel butti aro doolen. Kenten hin horttiba te samluven freidigas.
16. Kentos hin horttiba aro kokariba. Kentosko kokariba, huupa, tšeer elle liinengo pariba na lela tšalaven džintako vollakiires elle bilaagakiires.
17. Kentos hin horttiba te lel džaaniba ta te följavel froo ūlaaga media. Bare komujen mote siilaven kentos ajasaavo džaanibosta, so skaadavela les.
18. Kentosko phurniden hin tšetanes naalsvaariba kentosko barjibosta ta omsorgako rikkibosta. Leen mote te tšeerel butti kentosko fendideske. Themmes ta thaanen mote te džoraven



- phurniden ta vaure kentosko omsorgako rikkiboskiiren aro dauva tšeeriba.
19. Bare komujen mote siilaven kentos saaro džorjako vollata ta bimaaluno amsibosta. Kentos na lena te skaadavel tši maneeraha. Tšek na lela te lel prissi kentos hieles elle tšalavel bimaalunes.
20. Om kentos na vojuvela te džiivel pesko phurnidensa, kentos hin horttiba aro froo ūlaagakiiro siiliba ta hahtiba. Jou vojuvela te džiivel aro vauro huupa elle aro kentosko siilako tšeer. Kentos lela te ömsaven paalal lesko phurnidengo neer, om douva hin kentoske tšihkeske. Kentosko buuribosko stedosko ta tšeeresko ömsiba butvares naa tšihko.
21. Om kentosko phurnide meerena elle na vojuvena te rikkaven omsorga lesta ta them uunavela adoptios, kentos vojula te lel peske neevo huupa hilo dživiboske adoptiosko jelpibossa. Kentosko fendide mote aahhel phutravitiko aro adoptios.
22. Vauro themmesta daari aavime naahbosko kentos hin horttiba te lel ajasaavo omsorgako rikkiba so jou hyövuvela.
23. Dukkakiiro kentos mote lel koni fende vojuvitko hoiviba ta hahtiba, so dela naal pesko kommunisko veera, kokaro passiba ta dielos liiben aro tšetiba. Dukkakiiro kentos mote te hahtaven jakkes, at jou lela te lel staavel skoola ta phirro tijjako tšeeribi.
24. Kentos hin horttiba te džiivel jakkes sasto sar vojuvitiko. Kentos hin horttiba te lel hoiviba ta hahtiba, om jou aavela dukadeske. Kentos hin horttiba tel hleppuvvel drambeskiiresko neer.
- Niina daijengo sastibosta, koone ventavena kentos, mote te lel tšihko omsorga.
25. Om kentos na vojuvela te džiivel lesko iego phurnidensa, vaure bare komujen mote te rikkavel tšihko omsorga kentosta, Kentosko siilako buttiboskiiren mote vaaknaven, vojuvelako kentos džal paale pesko phurnidengo neer.
26. Kenten ta phurniden hin horttiba te lel themmesta hahtiba aro louvesko saaki.
27. Kentos mote aahhel tšeer, haabe ta dosta koola. Themmes ta thaane mote jelpaven phurniden jakkes, te kenten hin tšihka aahhibi te barjuven ta džan naal.



28. Kentos hin horttiba te staavel aro skoola.  
Botnosko skoola mote aahhel uutan priisa.  
Bihibi ta barjiba aro skoola mostuvela te aahhen reet. Themmes mote te del drom kentenge te tiljaven pengo skooliba botnosko skoolako hluutibosko paalal.
29. Skoola mote te fendjavel kentosko hajibi. Douva mote te fendjavel kentosko dako tshimb ta te del dzaaniba kentosko iego ta vaure themmengo kultturenna. Aro skoola mote te rakkavel kentengo ta vaure komujengo horttibonna. Aro skoola kenti sikjuvena, so buut kulturiba, naturako siiliba ta hlehtako ringengo it veerakiiriba starkavena.
30. Besko folkengo elle vaaguno folkengo kentos hin horttiba aro pesko iego kulttures ta tshimb. Les hin horttiba te streevavel pesko passiba grupposko vaure lendensa.
31. Kentos hin horttiba te hyylavel, phersavel ta aahhel phirime. Kentos hin horttiba te lel pinsiba aro artos ta kulttures.
32. Kentos na lela te tseerel ajasaavo butti, so skaadavela pesko sastiba elle tseerela narvalideske lesko skoolako staaviba.
33. Bare komujen mote siilaven kentos narkotiko drambenna.
34. Bare komujen mote siilaven kentos seksualno tsalibosta. Tsek na lela te lokkavel elle bihavel siilaha kentos aro seksualno tsetiba.
35. Themmen mote stannaven kentosko bikniba. Kentosko bikniba starkavela, te tsek lurrela kentos lesko phurnidenna ta biknavela les vauro
- komuniske. Kentosko bikniba hin phagirba.
36. Bare komujen mote siilaven kentos saaro hlaaga bengalo amsibosta.
37. Kentos na lela straffavel hooljavitiko maneeraha elle spiinavel. Tsek na lela te tseerel kuttideske kentosko horttibi. Kentos na lela tshuvel aro phanniba, om vaure paribosko saaki hin. Om kentos endo nourula aro phanniba, lesta mote rikkaven omsorga doori tshikas. Kentos na lela te aahhel harhal aro phanniba.
38. Kentos na lela lel aro dekakiriba elle aro kurriba. Bare komujen mote te siilaven kenten
- aro kurriba.
39. Themmes mote hahtavel kentos, om les hin tsalade banges.
40. Vaehka kentos aahhelas phagardas laaga elle kentos grunnavena dotta, les mote te tsalaven tshikas ta hortto laagaha.
41. Iek themmesko laaga vojula te aahhel fideide kentoske sar dauva soomsiba. Taala komujen mote foljaven pengo iego themmesko laaga.
42. Themmes mote rikkavel omsorga, at saare doolesko buuriboskiire dzaanena, so aahhena kentosko horttibi.
43. YK:sko kentosko horttibongo komiteos vaagavela, at themme foljavena dauva soomsiba.
44. -54. Dala punkti rakkavena dotta, sar harhal soomsiba hin aro volla ta sar themme sankuvena aro dauva soomsiba.



Hilo soomsiba hin (finitiko tshimaha) aro adressos

[https://www.finlex.fi/fi/sopimukset/sopsteksti/1991/19910060/19910060\\_2](https://www.finlex.fi/fi/sopimukset/sopsteksti/1991/19910060/19910060_2)

## Fuortune laave

YK kammela freidiba aro hilo boliba. Douva ūahtila saare themme te tšeeren tšetano butti jakkes, at kommunisko horttibi tšatšuvenas. YK:sko lendi aahhena saare bolibosko themme.

**Them ta thaane** stellavena tseenjibi komujenge aro Finnosko them. Finnosko themmeskiire formavena them. Themmesko saakenna phutrilal naaluno tšeer. Sakko finnosko komunis džiivila aro tši thaan. Iego thaanesko saakenna phutrilal thaanesko naaluno.

**Tšenstako iegiboskiire** starkavena bare komujen, koone tšeerena butti aro them elle aro thaan. Joon tšeerena butti naaluno merknoske aro kentengo siiliba, aro skoola, aro petškengo tšeer elle dukadengo tšeer.

**Kentengo saakengo buttiboskiire** aahhena naaluno merknoske tšetibi ta roodibosko instituuti ta tšenstako iegiboskiire, koone dena naal kentengo saaki.

**Tšeenjiba** starkavela douva, at kenti ūleppuvena drambeskiiresko neer, om joon aavena dukadeske. Niina skoola ta divisako tšeer dena kentengo tseenjibi.

**Kentengo siilako tšeer** starkavela stedos, kai kentos lela džiivel, om jou na vojuvela te džiivel lesko phurnidensa. Aro kentengo siilako tšeer džiivel ait tijja buut kenti.

**Tiljuno huupa** starkavela vauro huupa, so rikkavela omsorga kentosta. Kentos vojuvela te ömsavel aro tiljuno huupa, ke lesko iega phurnide na vojuvena te rikkaven omsorga lesta. Kentos vojuvela te vel paale pesko iega phurnidengo neer, om douva hin leske fendide.

**Adoptios** starkavela, at kentos ömsavel hilo tijjake vauro huupako neer ta lela neeve phurnide. Kentos na butte džala paalal pesko iego föddibosko phurnidengo neer.

**Beska folki** aahhena komuja, koonengo tšimb, kulttuures, passiba, elle vauro saaka hin froo ūlaaga sar koni butide dielosko komujen hin. Aro Finnosko them aro beska folkengo tšimbako gruppia ūnjuvena naaluno merknoske kaale, finnosko sveittika komuja, vastensa rakkibosko tšimbakiire ta buut vaure themmenna ömsiboskiire. Saamesko komuja hin minoriteetos ta joon aahhena niina vaagune folki. Joon aahhena Finnosko themmesko vaagune komuja.

## Hinko kenten uuħlibi?

Kommunisko horttibi ūnjuvena saarenge utan doħħi. Saarenge uuħlibi hin te den patti vaurengó kommunisko horttibi. Bare komujengo butti hin te sikjaven kentenge, so kommunisko horttibi starkavena.

Naaluno merkni:

- Kentos hin horttiba te lel siila džorjako vollata, tšalibosta ja bimaaluno amsibosta. Kentos na lela te kvinnavel elle skaadavel vauren.
- Kentos hin horttiba aro džuuso natura. Kentos hin niina uuħliba te lel omsorga pesko fendibossa naturako džuusibosta.
- Kentos hin phiriba aro iego tenkiba ta kulttures. Kentos hin nii uuħliba te del patti vaurengó tenkibonge ta passibosko botnenge.



LAPSIASIAVALTUUTETTU  
KENTENGO SAAKENGÖ TRAADIBOSKURO

Kentengo saakengo traadiboskiiresko ofisia  
Oppenbaarimen aro verkos 10/2020